

## Հ Ա Շ Վ Ե Տ Վ ՈՒ Թ Յ ՈՒ Ն

### 2021թ. նոյեմբերի 1-ից 4-ը Ուկրաինա կատարած գործուղման արդյունքների մասին

#### 1. Անունը, ազգանունը՝

Արման Խոջոյան

#### 2. Զբաղեցրած պաշտոնը՝

ՀՀ էկոնոմիկայի նախարարի տեղակալ

#### 3. Գործուղման վայրը և ժամկետները՝

Ուկրաինա՝ ք. Կիև, 2021թ. նոյեմբերի 1-4-ը

#### 4. Հրավիրող կողմը՝

Ուկրաինայի ագրարային քաղաքականության և սննդի նախարարություն

#### 5. Գործուղման նպատակը՝

«Wine&Spirits Ukraine 2021» միջազգային ցուցահանդես /երկրի մասնակցություն/  
Գյուղատնտեսության ոլորտում փորձի փոխանակման, հայ-ուկրաինական երկկողմ  
առևտրատնտեսական հարաբերությունների զարգացման վերաբերյալ քննարկումներ

#### 6. Քննարկված թեմաները՝

- Երկու երկրների միջև առևտրատնտեսական հարաբերությունների ամրապնդմանն ուղղված քայլերի իրականացում,
- Հացահատիկային մշակաբույսերի ներմուծմանն ու մատակարարմանն առնչվող հարցերի քննարկում,
- Անասնաբուծության բնագավառում ուկրաինական փորձի ուսումնասիրություն, խոշոր եղջերավոր անասունների բուծման համակարգի ներդրման հնարավորությունների դիտարկում,
- Երկկողմ համագործակցության հնարավորությունների դիտարկում գիտակրթական ծրագրերի իրականացման և թվային գյուղատնտեսության բնագավառում:



## 7. Հանդիպումները, ելույթները, բարձրացված կամ քննարկված հարցերը՝

- Հանդիպում Ուկրաինայի ագրարային քաղաքականության և սննդի նախարար Ռոման Լեշչենկոյի հետ: Հանդիպմանը ներկա էին նաև Ուկրաինայի գյուղատնտեսության ոլորտի գիտական հաստատությունների տնօրեններ և մասնավոր հատվածի ներկայացուցիչներ: Կողմերը քննարկել են հարցերի լայն շրջանակ, մասնավորապես հողերի շուկայի բարեփոխումներին, թվային գյուղատնտեսությանը, ոռոգման, անասնակերի արտադրության, անասնաբուծության ոլորտներում փորձի փոխանակման և Ուկրաինայից դեպի Հայաստանի Հանրապետություն խոշոր եղջերավոր անասունների ներկրմանն առնչվող հարցեր, ինչպես նաև երկկողմ առևտրատնտեսական համագործակցության հեռանկարները:

Բացի այդ անդրադարձ է կատարվել երկու երկրների գիտական հաստատությունների միջև համագործակցության հաստատման հնարավորությանը՝ Հայաստանում խոշոր եղջերավոր անասունների բուծման համակարգի ներդրման նպատակով:

- Հանդիպում Ուկրաինայի սոցիալական քաղաքականության հարցերով նախարար, հայ-ուկրաինական միջկառավարական հանձնաժողովի նախագահ Մարիա Լազեբնայի և նախարարի տեղակալ Օլգա Ռեվուկի հետ: Հանդիպման ընթացքում կողմերը անդրադարձել են Հայաստան-Ուկրաինա տնտեսական համագործակցության հարցերին, կարևորել են միջկառավարական հանձնաժողովի նիստերի անցկացումը՝ որպես արդյունավետ հարթակ համագործակցության, հեռանկարային ոլորտները խորացնելու և բացահայտելու համար, մասնավորապես, երկու երկրների բիզնեսի ներկայացուցիչների միջև երկխոսության կազմակերպման ապահովման և փոխադարձ հետաքրքրություն ներկայացնող ոլորտների բացահայտման տեսանկյունից:

- Հանդիպում Ուկրաինայի էկոնոմիկայի նախարարի տեղակալ Տարաս Կաչկայի հետ: Հանդիպման ընթացքում կողմերն անդրադարձել են երկկողմ առևտրատնտեսական հարաբերությունների ամրապնդմանն ու զարգացմանն ուղղված քայլերին, քննարկել Ուկրաինայից դեպի Հայաստանի Հանրապետություն ցորենի և հացահատիկային այլ կուլտուրաների մատակարարմանն առնչվող հարցեր: Որպես առևտրային վստահելի գործընկեր և գյուղատնտեսական ապրանքների առաջատար արտահանող՝ ուկրաինական կողմը պատրաստակամություն է հայտնել ապահովել պարենային ապրանքների և հումքի անխափան մատակարարումը դեպի Հայաստանի Հանրապետություն:

Քննարկվել են նաև էներգաարդյունավետության ոլորտում համագործակցության խորացման, բազմամոդուլ բեռնափոխադրումների զարգացման, իրավասու մարմինների



միջև բույսերի պաշտպանության և կարանտինի ոլորտում համագործակցության հնարավորություններ:

- «Wine&Spirits Ukraine 2021» Արևելյան Եվրոպայի ոլորտային ամենանշանակալի գինու և ալկոհոլային խմիչքների միջազգային ցուցահանդեսում հայկական գինեգործական 10 ընկերության ներկայացվածության ապահովում, գինիների ճանաչելիությանն ուղղված միջոցառումների իրականացում Հայաստանի խաղողագործության և գինեգործության հիմնադրամի հետ համատեղ: Հայկական գինիները ներկայացվել են ազգային միասնական տաղավարով՝ «Հայաստան՝ գինու նվիրական երկիր» խորագրով:
- Հանդիպում Կիևի մարզպետ Վասիլի Վոլոդիմիրի հետ: Կողմերն ընդգծել են, որ 2021 թվականի առաջին կիսամյակի ընթացքում ավելացել են ապրանքաշրջանառության ծավալները երկու երկրների միջև, մասնավորապես գյուղատնտեսական ապրանքների արտահանման բնագավառում: Անդրադարձ է կատարվել Կիևի մարզից հացահատիկային կուլտուրաների մատակարարման հնարավորությանը դեպի Հայաստանի Հանրապետություն, լոգիստիկ լուծումների ապահովմանը, պետական և մարզային համակարգմամբ իրականացվող ծրագրերի իրականացմանը:
- Այցելություն Ուկրաինայի Չերկասի շրջանի Կաթ արտադրողների անասնապահական ֆերմա՝ «Կիշչենցի» ՍՊԸ, հանդիպում ընկերության ներկայացուցիչների հետ: Ընկերությունը զբաղվում է անասնաբուծությամբ, բուսաբուծությամբ, հացահատիկային և արդյունաբերական մշակաբույսերի արտադրությամբ: Հանդիպման ընթացքում Արման Խոջոյանը տեղում ծանոթացել է կաթնամթերքի արտադրության տեխնոլոգիական գործընթացներին:

**8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝**

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

**10. Ստորագրությունը, ամսաթիվը՝**

09.11.2021թ.

